

緣淨隨藏來如

我以妙明
不滅不生
合如來藏
而如來藏
惟妙覺明
圓照法界
是故於中
一為無量
無量為一
（理事無碍法界）
小中現大
大中現小
（事事無碍法界）

（即回光返照，脫塵旋根，伏歸元真，發本明耀）
而如來藏，即妄全真，惟是妙覺明體，稱體明耀，圓照法界。

真法界之中

(1) 一是理，無量是事，即一理能成無量事，無量事還歸於一理。

(2) 一即一心，無量即萬法，一心能生萬法，萬法唯是一心。

(3) 一即一事，無量即十法界差別之事。一法界能成十法界，十法界歸還一法界。

小是事相，大亦事相。小中能現大相，大中能現小相。小中現大，小不放大，大不縮小。大中現小，大不見大，小不見小。

不動道場
遍十方界
身含十方
無盡虛空
（理事無碍法界）
於一毛端
現寶王刹
坐微塵裏
轉大法輪
（事事無碍法界）
滅塵合覺
故發真如
妙覺明性

不動道場，即真如不動之理，亦即一真法界。一理能遍十方世界之事，即一為無量，十方世界之事，不出不動道場之理，即無量為一，合之即理事無碍法界也。身即法身，法身以理為身，身即是理，一理能包含無盡虛空之事，即一為無量。十方虛空之事，含於一身之中，即無量為一，此亦理事無碍義。

一毛端是事，正報之最小者，寶王刹亦是事，依報之最大者。於一毛端，能現佛之刹土，是為小中現大。佛刹雖大，亦不壞毛端之相，是亦大中現小義，合之，即事事無碍法界也。

微塵是事，依報之最小者，佛身說法是事，正報之最大者，能在微塵裏轉法輪，是小中現大，正現身說法時，能見微塵不大，是亦大中現小義，此亦屬事事無碍法界也。

此句是說佛與衆生，敵體相反，衆生背覺合塵，故發塵勞有世間相，佛滅塵合覺，故發真如妙淨，本覺湛明之性。此性字與相對立，以衆生迷悶，全真性成妄相，如來修證，融妄相即真性，事事即理，相相即性，故得以上二無碍法界也。